



JAVNO PREDUZEĆE  
ŠUMSKO PRIVREDNO DRUŠTVO  
ZENIČKO - DOBOJSKOG KANTONA  
d.o.o. ZAVIDOVIĆI

JP "ŠPD ZDK" d.o.o. Zavidovići

Upisano u Registar Kantonalnog suda u Zenici pod  
brojem I-9014, Rješenje br. U/I 916/04  
ID broj: 4218431050005  
PDV Broj: 218431050005 Por. br.: 05072148  
Transakcijski računi:  
Union banka d.d. Sarajevo 1020320000013296  
ASA Banka d.d. Sarajevo 1340300000062287  
Unicredit Bank d.d Mostar 3384202214508407  
Raiffeisen BANK d.d BiH 1610550016400016

Broj: 91-2-18/19  
Zavidovići, 27.7.2020. godine

Na osnovu člana 70. Zakona o javnim nabavkama BiH (Službeni glasnik BiH, br. 39/14), a shodno 4. Zapisniku o pregledu i ocjeni ponuda Komisije za javne nabavke od 27.7.2020. godine, donosim

### O D L U K U o izboru najpovoljnijeg ponuđača

1. Prihvata se ponuda ponuđača „EURO DAM-JAS“ d.o.o. Lukavac kao najpovoljnija prispjela ponuda u postupku javne nabavke broj 91-2/19 – Nabavka guma za putnička vozila za potrebe JP "ŠPD ZDK" d.o.o. Zavidovići, koji je objavljen na portalu Agencije za javne nabavke pod brojem 360-1-1-78-3-147/19.
2. U skladu sa provedenim postupkom, ponuđaču iz tačke 1. ove Odluke bit će ponuđeno zaključivanje Okvirnog sporazuma o nabavci.
3. Odluka stupa na snagu danom donošenja.

### O b r a z l o ž e n j e

Na osnovu Odluke ugovornog organa broj: 91-2/19 i objavljenog javnog poziva broj 360-1-1-78-3-147/19 pokrenut je i proveden otvoreni postupak za nabavku guma za putnička vozila za potrebe JP "ŠPD ZDK" d.o.o. Zavidovići. U postupku javne nabavke kao ponuđači su učestvovali subjekti „UNITRADE“ d.o.o. Ljubuški, „GUMA M“ d.o.o. Mostar i „EURO DAM-JAS“ d.o.o. Lukavac. Kao rezultat postupka nabavke donesena je Odluka o izboru najpovoljnijeg ponuđača, kojom se odbacuje se ponuda ponuđača „UNITRADE“ d.o.o. Ljubuški, a ponuda ponuđača „GUMA M“ d.o.o. Mostar se prihvata kao najpovoljnija prispjela ponuda.

Na navedenu odluku ponuđač „EURO DAM-JAS“ d.o.o. Lukavac je izjavio žalbu broj: JN-8/20.

Komisija za javnu nabavku je, rješavajući po navedenoj žalbi, ponovo analizirala kompletan postupak i ponude, posebno analizirajući navode žalitelja, nakon čega je Ugovorni organ donio Rješenje broj: 91-3/19 od 15.1.2020. godine kojim je djelimično uvažio navode žalitelja, poništio donesenu Odluku o izboru najpovoljnijeg ponuđača, odbacio ponude ponuđača „GUMA M“ d.o.o. Mostar i „EURO DAM-JAS“ d.o.o. Lukavac, te poništio postupak nabavke, a sve iz razloga utvrđenih u Rješenju. Suština odbacivanja ponude ponuđača „GUMA M“ d.o.o. Mostar je u tome što je ponuđena guma *YOKOHAMA GEOLANDAR A/T G015* za koju je utvrđeno da po izgledu gazeće površine nije kramponka, te kao takva ne odgovara zahtjevima Ugovornog organa. Suština odbacivanja ponude ponuđača „EURO DAM-JAS“ d.o.o. Lukavac je u tome što je ponuđena guma sa ugrađenim ekserima koje ponuđač – žalitelj naziva kramponima. Kako Ugovorni organ nije tražio takvu gumu, i kako su takve gume zabranjene za saobraćaj u BiH u skladu sa članom 5. Pravilnika o saobraćaju u zimskim uvjetima (Službeni glasnik BiH 13/2007), to je takva ponuđena guma neprihvatljiva. Do navedenih saznanja se došlo iz navoda iz žalbe žalitelja.

Na navedeno Rješenje broj 91-3/19 od 15.1.2020. godine ponuđači su podnijeli žalbe, „EURO DAM-JAS“ d.o.o. Lukavac – Žalba broj: JN-13/20 i „GUMA M“ d.o.o. Mostar – Žalba broj: 384-12-02/19V. Ugovorni organ nije usvojio žalbe žalitelja, te je iste sa Izjašnjenjem po navodima iz istih dostavio na postupanje Uredu za razmatranje žalbi.

Rješavajući po žalbi žalitelja „EURO DAM-JAS“ d.o.o. Lukavac Ured za razmatranje žalbi je donio Rješenje broj: JN2-03-07-1-240-8/20 kojim poništava tačke 4., 5. i 6. dispozitiva rješenja Ugovornog organa broj: 91-3/19, te predmet vraća ugovornom organu na ponovno odlučivanje.

Rješavajući po žalbi žalitelja „GUMA M“ d.o.o. Mostar Ured za razmatranje žalbi je donio Rješenje broj: JN2-03-07-1-241-7/20 kojim odbija žalbu žalitelja.

Ugovorni organ je, postupajući po Rješenju Ureda za razmatranje žalbi broj JN2-03-07-1-240-8/20, u ponovljenom postupku donio Odluku broj: 91-2-6/19 od 27.2.2020. godine, kojom se odbacuju ponude ponuđača „UNITRADE“ d.o.o. Ljubuški, „GUMA M“ d.o.o. Mostar i „EURO DAM-JAS“ d.o.o. Lukavac, te poništava postupak nabavke.

Na navedenu Odluku broj: 91-2-6/19 od 27.2.2020. godine ponuđač „EURO DAM-JAS“ d.o.o. Lukavac je uložio žalbu broj: JN-51/20 koja je sa izjašnjenjem ugovornog organa prosljeđena na rješavanje Uredu za razmatranje žalbi.

Rješavajući po žalbi Ured je donio Rješenje broj: JN2-03-07-1-625-8/20 od 2.4.2020. godine. Rješenjem se usvaja žalba žalitelja, poništava Odluka o poništenju postupka javne nabavke broj 91-2-6/19 i predmet vraća ugovornom organu na ponovno odlučivanje. Postupajući po navedenom Rješenju Ugovorni organ je donio Odluku o izboru najpovoljnijeg ponuđača broj: 91-2-11/19 od 21.5.2020. godine kojom je ponuđač „EURO DAM-JAS“ d.o.o. Lukavac izabran za najpovoljnijeg ponuđača.

Na navedenu Odluku ponuđač „GUMA M“ d.o.o. Mostar je uložio žalbu broj: 384-12-07/19V.

Rješavajući po navedenoj žalbi ugovorni organ je donio Rješenje broj: 91-2-14/19 kojim se usvaja Žalba ponuđača „GUMA M“ d.o.o. Mostar kao djelimično osnovana, stavlja van snage Odluka o izboru najpovoljnijeg ponuđača broj 91-2-11/19 od 21.5.2020. godine, odbacuje ponuda ponuđača „EURO DAM-JAS“ d.o.o. Lukavac kao nekvalificirana, te poništava postupak nabavke.

Na navedeno Rješenje ponuđač „EURO DAM-JAS“ d.o.o. Lukavac podnio je žalbu broj: JN-155/20 od 8.6.2020. godine. Ugovorni organ nije usvojio žalbu žalitelja, te je istu sa Izjašnjenjem po navodima iz iste i potrebnom dokumentacijom dostavio na postupanje Uredu za razmatranje žalbi. Rješavajući po žalbi Ured je donio Rješenje broj: JN2-03-07-1-1465-8/20 od 16.7.2020. godine. Rješenjem se usvaja žalba žalitelja, poništava Rješenje broj 91-2-14/19 od 3.6.2020. godine i predmet vraća ugovornom organu na ponovno odlučivanje. Ugovorni organ u ponovljenom postupku donijeti će Odluku u skladu sa članom 69. Zakona o javnim nabavkama i okončati postupak javne nabavke, poštujući stavove Ureda iznesene u predmetnom rješenju.

#### Pregled pristiglih ponuda u postupku:

Br.protokola ugovornog organa	Datum prijema ponude	Naziv ponuđača	Koverta ispravno zatvorena (da/ne)	Ukupna cijena ponude bez popusta (KM bez PDV)	Popust (KM)	Ukupna cijena ponude sa uključenim popustom (KM bez PDV)
03-5741/19	20.12.2019.	„UNITRADE“ d.o.o. Ljubuški	Da	34.263,40	0,00	34.263,40
03-5755/19	20.12.2019.	„GUMA M“ d.o.o. Mostar	Da	29.263,50	0,00	29.263,50
03-5790/19	23.12.2019.	„EURO DAM-JAS“ d.o.o. Lukavac	Da	29.998,64	0,00	29.998,64

Ponuda ponuđača „EURO DAM-JAS“ d.o.o. Lukavac na osnovu stavova Ureda za razmatranje žalbi iz Rješenja broj: JN2-03-07-1-1465-8/20 od 16.7.2020. godine kvalificirana.

Kako se predmet vraća na ponovni postupak, kako je za ponudu ponuđača „UNITRADE“ d.o.o. Ljubuški u početku postupka utvrđeno da nije ispravna i prihvatljiva, te kako je u žalbenom postupku je utvrđeno da ponuda ponuđača „GUMA M“ d.o.o. Mostar nije ispravna i prihvatljiva, to je ispravna i prihvatljiva samo ponuda ponuđača „EURO DAM-JAS“ d.o.o. Lukavac. Stoga je ništavan i provedeni postupak e-aukcije, jer se u skladu sa Članom 3. Stav3. Pravilnika o uslovima i načinu korištenja e-aukcije ista nije mogla zakazati.

Rang lista prihvatljivih ponuda je:

1. „EURO DAM-JAS“ d.o.o. Lukavac – ukupna cijena ponude 29.998,64 KM bez PDV.

Nije uočena računске greška u ponudi ponuđača „EURO DAM-JAS“ d.o.o. Lukavac.

Procijenjena vrijednost nabavke je 30.000,00 KM. Cijena prvorangirane ponude je 29.998,64 KM, što je u okviru procijenjene vrijednosti nabavke.

Tenderskom dokumentacijom je predviđeno naknadno dostavljanje dokaza o ispunjavanju uslova za kvalifikaciju – Lična sposobnost ponuđača iz člana 45. Zakona o javnim nabavkama, a ista je dostavljena u prethodnoj fazi postupka.

Uvažavajući sve činjenice navedene u Zapisniku, Komisija za javnu nabavku je predložila da se ponuda ponuđača „EURO DAM-JAS“ d.o.o. Lukavac prihvati kao najpovoljnija ponuda, te donese odluka o izboru najpovoljnijeg ponuđača.

Cijeneći sve navedeno donesena je Odluka u dispozitivu.

**DIREKTOR**

**Devedžić Jasmin, dipl. pravnik**

Pouka o pravnom lijeku: Protiv ove Odluke može se izjaviti žalba direktoru JP “ŠPD - ZDK” d.o.o. Zavidovići u roku od 10 (deset) dana od dana prijema odluke.